



Nr. 2 2022/23

### Part generala

#### Rapport evaluaziun SSI

Dapi mez zercladur 2022 è il rapport davart l'evaluaziun da la scolaziun speziala integrativa (SSI) publitgà. I vala la paina da guardar il rapport. Las enconuschienschas dal rapport duain sostegnair ils differents participads da sviluppar vinavant la qualitat da la SSI.

[SSI è s'establiga bain en Grischun](#)



en tut otg sequenzas cun differents temas, ina part per talian sco emprima lingua ed ina part per talian sco lingua estra. Grazia a la collauraziun cun la Scola auta da pedagogia dal Grischun (SAP GR) pon ils dossiers vegnir telechargiads en furma digitala.

[Curs tematicas](#)



[Ulteriuras infurmaziuns, postaziun da cudeschs](#)



#### Infurmaziuns tar interrupziuns da la rait

Pervia da la crisa actuala d'energia na pon betg vegnir exclusas interrupziuns d'electricitat a curta vista per intginas uras l'enviern proxim. Pervia da questa situaziun publitgescha l'USS sin sia pagina d'internet sco orientaziun las infurmaziuns las pli impurtantas concernent il manaschi da scola. L'USS recumonda a las instituziuns scolasticas da prender las mesiras correspundentes per il cas ch'i dat interrupziuns da la rait.

[Infurmaziuns per cas d'interrupziuns da la rait](#)



#### La luna nel baule

En la vegliadetgna dad 80 onns decida Jolanda Giovanoli da Stampa da confidar l'istorgia da sia vita a Daniele Dell'Agnola. L'istorgia «La luna nel baule» (La glina en l'arcun) sa mussa sco punt tranter il passà e l'avegnir e descriva la vita da quatter generaziuns d'ina famiglia da la Bregaglia. Grazia a la lavour da Chasper Pult ed Anna-Alice Dazzi Gross è il text vegnì translatà en tudestg ed en rumantsch. Per l'applicaziun en l'instrucziun èn avant maun

#### Fugia e migraziun en l'instrucziun

Fugitivs e migraziun han bleras fassettas. La stanza da scola è in lieu impurtant per reflectar ed elavurar il tema integraziun. La nova pagina d'internet migrationsgeschichte.ch da la SAP-GR e las Scola auta da pedagogia dal chantun Turitg porscha enconuschienschas da basa fundadas ed actualas. Vinavant porscha quella per persunas d'instrucziun era sequenzas d'instrucziun già preparadas che possibiliteschan da discurrer davart eveniments mundials actuals, davart la fugia e davart la migraziun.

[Ulteriuras infurmaziuns](#)



#### Material d'instrucziun moviment e sport

La fin da settember è cumparì il nov med d'instrucziun «moviment e sport» per la 1. fin 9. classa. Per mintga ciclus cunttega quel ina glista da controllo ed ina collezioni d'exercizis e da gieus per cuntanscher las cumpetenças tenor il plan d'instrucziun 21 (PI 21 GR). Ensemen cun il med d'instrucziun «sport en scolina» stattan ussa a disposiziun per tut las persunas d'instrucziun da sport e per mintga classa elements d'emprender per cuntanscher las cumpetenças tenor il PI 21 GR. En favrer ed avust 2023 han lieu

curs d'introducziun virtuals. Las participantas ed ils participants survegنان d'emprim maun durant 60 minutus las infurmaziuns las pli impurtantas.

[Documents sport en scola cun links](#)



[Datas curs virtuals](#)



## Nov studi da master sec I

Per l'entschatta da settember 2023 ha la regenza dal chantun Grischun approvà danovamain la realisaziun dad in studi da master sec I per persunas d'instrucziun da la scola primara (schlargiament dal stgalim). La realisaziun succeda puspè en cooperaziun cun la Scola auta da pedagogia Son Gagl (SAP SG). Ils moduls han lieu principalmain a Cuira. Las persunas d'instrucziun interessadas chattan ulteriuras infurmaziuns davart il studi planisà sin la pagina d'internet da la SAP GR. Ils 23 da november 2022 ed ils 15 da favrer 2023 han lieu duas occurrentzas d'infurmaziun.

[Ulteriuras infurmaziuns](#)



## Concurrenza da picturar per classas da scola primara

Dals 23 fin ils 29 da schaner 2023 ha lieu il campiunadi europeic da biatlon a Lai. Scolaras e scolars pon daventar ina part da quest'occurrentza. Al comité d'organisaziun da Lai è vegni endament insatge tut spezial: tut las classas primaras dal Grischun han la pussaivladad da sa participar ad ina concurrenza creativa. I va per concepir ils numers da partenza da las atletas e dals atlets. A la fantasia n'en mess nagins cunfins. Ina giuria vegn a valitar ils maletgs, suenter vegn il meglier sboz produci sco project. Tut las atletas ed ils atlets cumbattan durant in di per il titel da campiun europeic cul design dal victur. Il project po vegnir chargià giu da la pagina d'internet da l'arena da biatlon. La victura u il victur dastga – ensemen cun sia classa da scola – sa participar a la concurrenza sco giast d'onur.

[Ulteriuras infurmaziuns, musters e cundiziuns da partecipaziun](#)



## Scola sin il bain puril

«Scola sin il bain puril» ed «agricultura fa scola» porschan a scolaras e scolars la pussaivladad d'emprender d'enconuscher l'agricultura. Temas sco natira, biodiversitat, producziun dad aliments e consum èn ozendi omnipreschents. Il PI 21 GR dat spazi per rimnar experientschas praticas entaifer ed ordaifer la stanza da scola. La classa sa scuntra cun la pura u il pur sin il bain puril u er en stanza da scola. Dapi quest onn lantscha l'uniu purila grischuna da nov il project. La finamira è da resguardar pli fitg ils basegns da las persunas d'instrucziun sco er da las purschidras e dals purschiders e da concepir ina spierta attractiva e lucrativa per tut las persunas participadas.



[Contact / infos: Sina Rellstab, s.rellstab@bbv.gr.ch](#)

## Utilisaziun da datas en il sectur da furmaziun

Educa maina dapi l'entschatta da fanadur 2022 in post da consultaziun per dumondas davart l'utilisaziun e la protecziun da datas. La purschida sa drizza spezialmain a mainascolas e persunas da l'administraziun da furmaziun da la scola populara e dal stgalim secundar II. Dumondas tecnicas, giuridicas ed eticas vegnan respundidas, per exemplu per arcunar datas en la cloud, per dar vinavant datas da persunas u per tractar il BYOD en scola.

[Post da consultaziun dad Educa](#)



## Lottaria da chapitschas Pylonis

Ils buttatschs strivlads oransch ed alv dals Pylonis ves'ins già sin distanza – e quai ord in bun motiv! Ils Pylonis avteschan uffants da privels e mussan co ch'ins è seguir en viadi sin via. Cun in pau fortuna pon ins guadagnar per tut la classa da questas chapitschas da Pylonis che reflecteschan e datta chaud. Igl è pussaivel da sa participar a la concurrenza fin ils 30 da november 2022.

[Formular lottaria chapitschas da Pylonis](#)



## Fegl cun facts – dar aria correctamain

En vista a la stagiu fraida ston ins quintar cun in augment da las infecziuns da covid. L'Uffizi federal da sanadad publica (UFSP) ha elavurà in fegl da documentaziun davart il tema «dar aria correctamain».

[Fegls cun enconuschienschas scientificas](#)



## Inscunter da raits «moviment e sport»

A l'inscunter da rait da mesemna suentermezdi, ils 18 da schaner 2023, a Cuira, vegnan preschentadas las novaziuns en il sectur dal Moviment e sport sco er las purschidas da graubündenSport e da l'Uffizi da sanadad. Tar differents stans pon ins rimnar las infurmaziuns giavischadas e sclerir dumondas avertas.

[Ulteriuras infurmaziuns](#)



Cordials salids

Chantal Marti-Müller  
Manadra USS

Andrea Caviezel  
Manader inspecturat da scola

## Part regiunala

### Occurrenza d'infurmaziun per cussegls da scola

L'occurrenza ha lieu als 16 november 2022, da las 19-21 en l'aula da la scola "Dorf" a Tusaun.

**Attestats da semester e decisiun d'assegnaziun 2023**

Fin da semester	27-01-2023
Assegnaziun provisoria	27-01-2023
Assegnaziun definitiva	12-04-2023
Giudicament d'admissiun tenor protesta	30/31-05-2023

**Termins d'evaluaziun 2022/23**

Vaz/Vaz sura	07-11 fin 11-11-2022
Cuira, Lachen	16-01 fin 20-01-2023
Tgazas	06-02 fin 10-02-2023
Cuira, Montalin	13-03 fin 17-03-2023
Cuira, Barblan	27-03 fin 31-03-2023
Tusaun, stgalim superiur	22-05 fin 26-05-2023

*Cordials salids*

*Team da l'inspecturat da scola Plessur-Grischun central*

*Christina Nigg (manadra dal district), Jachen Andri Buchli,  
Daniela Zanelli, Philipp Hugentobler ed Elisabeth Caluori  
(secretariat)*



